

DIJAMANTSKA ZVIJEZDA za kvalitet i inovativnost Specijalnoj bolnici SVETI VID

Nedavno je Specijalnoj bolnici Sveti Vid uručena ova prestižna nagrada – oda istrajnosti i dugogodišnjoj posvećenosti pravim vrijednostima u oftalmologiji

U srcu Beograda, prije mnogo godina rodila se ideja da se formira prestižna oftalmološka ustanova, institucija koja će otkloniti zastarjele stavove i postupke u oftalmologiji, demistifikovati je, učiniti je dostupnom ljudima u cijelom regionu i tako se svrstati među najveće u svijetu. Tako je nastao

Sveti Vid. U ovoj ustanovi rađaju se vrhunski hirurški postupci, koji su i svjetskoj oftalmologiji više puta bili putokaz. Ovo je odavno postala poznata adresa na koju se upućuju pacijenti iz Evrope i svijeta radi rješavanja specifičnih problema s vidom.

Mnogobrojna priznanja

Sveti Vid je sinonim za kvalitetnu oftalmologiju. Tokom dugogodišnjeg rada, uslijedile su brojne nagrade za jedinstvena hirurška ostvarenja, primjenu savremene oftalmologije i uvijek novi iskorak u pravcu boljeg i kvalitetnijeg pristupa. Sjajni rezultati u primjeni najnovije laserske tehnologije, smart surface i smart puls laser surgery, izazvali su veliku pažnju i naišli na dobar prijem na stručnim skupovima. Nedavno je Sveti Vid dobio još jedno priznanje – prestižnu nagradu International Diamond Star,



uručenu u Ženevi, za kvalitet koji ova ustanova njeguje, kao i za njegov kontinuitet.

Dvadesetogodišnja misija

Maksimalni profesionalizam, edukativni sadržaji i inovacije, posvećenost pacijentu, humanitarni rad, brojni programi pokrenuti s ciljem rješavanja različitih oftalmoloških problema u regionu, pogotovo slabovidosti kod djece, i istrajnost u tome, naišli su na veliki odjek i podršku svjetskih stručnih krugova. Na trnovitom putu kroz ustoličene a prevaziđene stavove kojima smo okruženi, izboriti se za novi pogled u oftalmologiji u okruženju i doći do samog vrha u svijetu svakako da nije bilo nimalo jednostavno. Ova Dijamantska zvijezda uslijedila je kao nagrada za dvadeset godina istrajnosti i posvećenosti pravim vrijednostima u oftalmologiji. A prave vrijednosti su zadovoljni pacijenti kojima je pružena pomoć!



Generalni
menadžer
Specijalne
bolnice Sveti
Vid Svetozar
Dragović

